

AVANTURISTIČKI POHOD U JUŽNU KOREJU

Polazak 26.12.2025. / povratak 04.01.2026. / let iz Sarajeva

*Avanturista si i želiš da istražiš jednu od najzbudljivijih azijskih destinacija? Pridruži nam se u otkrivanju **Južne Koreje** – zemlje u kojoj se drevna tradicija susreće s modernim životom.*

*Od dinamičnog **Seula**, preko kraljevskih palata i hramova, do istorijskog **Gyeongju** i živopisnog **Busana**, ovo putovanje nudi spoj kulture, istorije, odlične hrane i autentičnih iskustava. Obići ćemo tradicionalne pijace, isprobati lokalna jela, planinariti i opustiti se u korejskim spa centrima – **jjimjilbang**.*

*Ako želiš da doživiš nešto novo i drugačije – **Južna Koreja te zove!***

PLAN I PROGRAM

1. DAN (petak) - 26.12. Sarajevo - Istanbul

Ocupljanje na sarajevskom aerodromu u 18:00h. Polazak iz Sarajeva u 20:15h. Let preko Istanbula, dolazak u Istanbul u 00:15. (transfer vrijeme na aerodromu za presjedanje - 2 sat i 05 minuta)

2. DAN (subota) - 27.12. Istanbul - Seul

Polijetanje za Seul u 02:20h. Dolazak u Seul u 18:20. Transfer do hotela. Check in u hotel. Vrijeme za odmor. U dogovoreno vrijeme sa vodičem upoznavanje grada. Slobodno vrijeme. Upoznavanje i noćna šetnja. Noćenje.

***Seul**, glavni i najveći grad Južne Koreje, smješten je na obalama **rijeke Han**, okružen planinama i prožet spojem drevne tradicije i moderne tehnologije. Njegova historija seže više od dvije hiljade godina unazad, a kao prijestolnica različitih korejskih dinastija, posebno **Joseon dinastije (1392–1897)**, Seul je zadržao brojne historijske spomenike i kulturne znamenitosti koje svjedoče o njegovom značaju kroz vjekove.*

*U samom srcu grada nalazi se **Gyeongbokgung**, najveća i najpoznatija kraljevska palata iz doba **Joseona**, okružena veličanstvenim vrtovima, paviljonima i tradicionalnom arhitekturom. Nedaleko se nalazi i **Changdeokgung**, UNESCO-va svjetska baština, poznata po Tajnom vrtu – skrovitom utočištu korejskih vladara.*

*Stari dio grada, **Bukchon Hanok Village**, čuva stotine tradicionalnih korejskih kuća – hanoka – koje pružaju uvid u život aristokracije u prošlim stoljećima. S druge strane, moderni Seul očarava neonskim svjetlima **Myeongdonga**, visokim neboderima u poslovnoj četvrti **Gangnam**, te futurističkim zdanjima poput **Dongdaemun Design Plaza (DDP)**.*

*Za ljubitelje savremene kulture nezaobilazan je posjet **k-pop četvrti Hongdae**, dok oni koji žele odmor mogu uživati u tišini brojnih budističkih hramova, poput **hrama Jogyesa**. Seul je i grad izvanredne hrane – od uličnih specijaliteta na Gwangjang pijaci, do tradicionalnih jela u starim hanok restoranima.*

3. DAN (nedjelja) - 28.12. Seul

Doručak. Nakon doručka polazak prema Gyeongbokgung palati i Bukchon Hanok Village. Nakon obilaska slobodno vrijeme i ručak. Prema dogovoru obilazak Insadong kvarta. Nakon obilaska penjemo se na Namsan mountain park. (panoramski pogled na grad). Slobodno vrijeme. Noćenje.

***Insadong** je tradicionalna četvrt u srcu Seoula, poznata po galerijama, antikvarnicama, suvenirnicama i čajdžinicama. Ovdje možeš doživjeti duh stare Koreje kroz umjetnost, rukotvorine i uličnu hranu. Ulica Insadong-gil posebno je živa vikendom, kada postaje pješačka zona puna performansa i štandova.*

***Namsan** je brdo u centru Seoula koje nudi odličan pogled na grad. Na vrhu se nalazi **N Seoul Tower**, popularna turistička atrakcija. Do vrha možeš doći pješice ili žičarom. Namsan je odličan spoj prirode i kulture, s mnoštvom staza i povijesnih znamenitosti.*

4. DAN (ponedjeljak) - 29.12. Seul

Doručak. Nakon doručka polazak na fakultativni obilazak K-pop experience tour (SM town, K-Star Road)-Gangnam. Mogući organizovan odlazak u Samsung Innovation Museum. Slobodno vrijeme. Noćenje.

K-Pop tura u Seulu

Ako si fan korejske pop kulture, K-Pop tura u Seulu je nezaobilazno iskustvo. Ova tura vodi te kroz ključna mjesta vezana uz K-Pop industriju – od poznatih ulica i studija do interaktivnih centara i plesnih radionica. Tura najčešće počinje posjetom **KBS studiju**, jednoj od najvećih televizijskih kuća u Koreji, gdje možeš zaviriti iza kulisa snimanja emisija i nastupa. Slijedi odlazak u **HiKR Ground**, moderan prostor prepun K-Pop kulisa, gdje se možeš fotografisati i snimati kao da si u muzičkom spotu. Jedna od najpopularnijih stanica je **Gangnam**, poznat po ulici **K-Star Road**, na kojoj se nalaze statue posvećene idol grupama poput BTS-a, EXO-a i BLACKPINK. Tu su i K-Pop prodavnice kao što je **KWANGYA**, službeni shop SM Entertainmenta. Mnoge ture uključuju i **plesne radionice**, gdje možeš naučiti koreografiju omiljene pjesme uz pomoć profesionalnih instruktora, te čak i snimiti vlastiti **K-Pop cover** u muzičkom studiju. Za potpuni doživljaj, često se posjećuju i **fan kafići** – mjesta ukrašena u čast rođendana poznatih idola, gdje možeš uživati u piću i kupiti limitirane suvenire. Bilo da si povremeni slušalac ili pravi fan, K-Pop tura ti omogućava da doživiš Seul iz perspektive jednog idola – uz muziku, ples i fan-kulturu koja je osvojila svet.

5. DAN (utorak) – 30.12. Seul

Doručak. Nakon doručka polazak na cjelodnevna fakultativna tura DMZ (Delimitarizovana zona): Dora opservatorij, Third Infiltration Tunnel, Dorasan station. Nakon ture povratak u Seul. Mogući organizovan noćni shopping u Dongdaemun ili Myeongdong. Povratak u hotel. Noćenje.

DMZ (Demilitarizirana zona) je uski pojas koji razdvaja Južnu i Sjevernu Koreju. Iako je to jedno od najstrože čuvanih područja na svijetu, DMZ je danas i popularna turistička destinacija koja pruža jedinstven uvid u korejsku historiju i podjelu poluotoka. Tura obično počinje u **Imjingak parku**, koji je simbol nade i mira. Tu se nalazi **Most slobode**, stara ratna lokomotiva i spomenici posvećeni porodicama koje su razdvojene ratom.

Jedna od najzanimljivijih tačaka je **Treći tunel infiltracije**, koji je tajno iskopala Sjeverna Koreja s ciljem napada. Posjetioci mogu sići duboko pod zemlju i vidjeti kako je tunel izgledao, uz nošenje zaštitne opreme.

Na vidikovcu **Dora Observatory** možeš pomoću dvogleda pogledati preko granice u Sjevernu Koreju – vidi se čak i sjevernokorejsko propagandno selo i ogromna zastava. Tu je i **Dorasan željeznička stanica**, koja simbolizira nadu u ponovno ujedinjenje dvije Koreje. Iako vozovi ne idu preko granice, stanica je sačuvana kao spomen na ono što bi jednog dana moglo biti. Neke ture nude i dodatke poput vožnje **gondolom iznad minskih polja** ili šetnju visećim mostom s prekrasnim pogledom.

6. DAN (srijeda) - 31.12. Seul – Suwon – Seul (New Year)

Doručak. Nakon doručka odlazak u Suwon. U Suwon-u slijedi obilazak Hwaseong fortress – UNESCO lokalitet. Slijedi slobodno vrijeme za tradicionalni ručak te povratak u Seul. U Seulu slobodno vrijeme i večera. Zatim doček Nove godine po dogovoru (ima više lokacija s različitim opcijama dočeka). Noćenje.

Suwon je glavni grad provincije **Gyeonggi-do**, smješten južno od Seula, poznat po svojoj bogatoj historiji i kulturnom naslijeđu. Najveća atrakcija ovog grada je impresivna **tvrđava Hwaseong**, koja se nalazi na UNESCO-voj listi svjetske baštine. Izgrađena krajem 18. stoljeća, ova tvrđava savršen je primjer spoja tradicionalne korejske arhitekture i tada modernih inženjerskih rješenja. Tvrđava pruža spektakularan pogled na čitav Suwon i odlična je prilika za laganu šetnju kroz historiju, s brojnim stražarskim kulama, kapijama i vidikovcima. Nedaleko od tvrđave nalazi se **Haenggung palača**, nekadašnja kraljevska rezidencija koja je služila kao privremeni dom kralju Jeongju tokom njegovih posjeta Suwonu. Danas je otvorena za javnost, a posjetioci mogu vidjeti autentično rekonstruisane sobe, dvorišta i dvorane koje dočaravaju atmosferu dinastije Joseon. Za one koji žele dublje zaroniti u svakodnevni život stare Koreje, **tradicionalno selo i muzeji** nude jedinstveno iskustvo. Ovdje se mogu vidjeti stare kuće, rukotvorine, odjeća i alati, kao i radionice u kojima se može učestvovati u tradicionalnim zanatima. Gastronomska ponuda Suwona poznata je širom zemlje, a posebno se izdvaja **Ulica prženog pileta (Chicken Street)** – popularno odredište za ljubitelje autentičnih korejskih okusa. Na ovom mjestu možete probati razne verzije korejskog prženog pileta, pripremljene po originalnim receptima.

7. DAN (četvrtak) - 01.01. Seul

Doručak. Nakon doručka idemo na planinarsku turu u Bukhansan National Park, Termalne banje kao spa day ili izlet do Onyang Hot Springs. Po dogovoru dogovaramo ture za ovaj dan s grupom. Nakon povratka s ture idemo na zajedničku večeru na Korejanske knedle + Karaoke za dodatnu zabavu (Noraebang). Slobodno vrijeme. Noćenje.

8. DAN (petak) - 02.01. Seul – Busan

Doručak. Poslije doručka idemo ranim KTX vozom do Busana (2,5h vožnje). Obilazak Busana, Gamcheon Culture Village, Haeundae Beach, Haedong Yonggungsa hram. Zatim slobodno vrijeme za ručak na Jagalchi ribljoj pijaci. Povratak u Seul. Slobodno vrijeme. Noćenje.

9. DAN (subota) - 03.01. Seul

Doručak. Check out iz hotela. Slobodno vrijeme. Možemo organizovati neki izlet u dogovoru s grupom prema zainteresiranosti. Odlazak na oproštajna večeru sa degustacijom soja ili makgeollija. Odlazak na aerodrom u dogovoru s grupom cca 21:00-22:00h.

10. DAN (nedjelja) - 04.01. Seul – Istanbul – Sarajevo

Let za Istanbul u 00:10h. Vrijeme slijetanja aviona u Istanbul u 06:15h. transfer vrijeme na aerodromu za presjedanje - 8 sat i 25 minuta). Let za Sarajevo u 14.40h. Dolazak u Sarajevo u 14:40h.

BITNE NAPOMENE

- *Plan je podložan promjeni uslijed subjektivnih i objektivnih okolnosti i agencija zadržava pravo promjene i izmjene.*
- *Plan je kreiran više za avanturiste nego za turiste. Riječ je o putovanju koje podrazumijeva mijenjanje lokacija i hotela, boravak u autobusima na većim udaljenostima i jedno noćenje u šatorima u pustinji.*
- *Plan nije za osobe koje su razmažene i koje nisu spremne za avanturu.*
- *Ovo putovanje je organizovano za stalne putnike na putovanjima Victorius travel agencije i napominjemo da kako organizujemo sebi i prijateljima, tako ćemo i ostalim putnicima.*
- *Za ovo putovanje važe opći uslovi putovanja agencije Victorius d.o.o.*
- *U toku cijelog putovanja smo angažovali marokanskog vodiča koji će biti sa nam u toku cijelog putovanja.*
- *Sobe u hotelima su sa dva tri li četiri kreveta. (Šatori i Riadi imaju drugi koncept, ali to ćemo dogovoriti)*

CIJENA I DETALJI UPLATA

PROMO CIJENA: 2.999,00 KM

Cijena uključuje:

- Povratna karta avio prevoza iz Sarajeva - Turkish airlines
- Kabinski kofer i check in kofer do 30kg
- 6 noći u dvokrevetnim sobama sa doručkom u Hotelu 3* u Seulu
- Transfer aerodrom – Seul - aerodrom
- Usluge pratioca grupe u toku cijelog putovanja
- Usluge agencije
- PDV

Cijena ne uključuje:

- Angažman lokalnih vodiča (fakultativno)
- Individualne troškove ulaznica u muzeje i sl.
- Individualne troškove
- PZO 26,00 KM (obavezno u grupi ili individualno na prep. osiguranu sumu od 30.000 eura)
- Fakultativno osiguranje u slučaju spriječenosti učešća na putovanju (60,00 KM)

PRIJAVA I UPLATE:

Prijava je kompletna sa uplatom prve rate i poslanim dokazom o uplati. Prijave su moguće do popunjenja kapaciteta. Ukoliko se desi da se prijavi veći broj osoba od planiranog, uplate se rangiraju hronološki po vremenu uplate.

Uplate je moguće izvršiti na rate:

- Prva rata i prijava: 500,00 KM (do kraja septembra)
- Druga rata: 1.000,00 KM (do kraja oktobra)
- Treća rata: 1.000,00 KM (do kraja novembra)
- Četvrta rata: ostatak (do 10 dana prije putovanja)

Uz uplatu prve rate potpisuje se ugovor o putovanju i samim tim se potvrđuje uplata. Odustajanje od putovanja je moguće u skladu sa općim pravilima i uslovima putovanja agencije Victorius d.o.o.

SAVJETI U VEZI SA PUTOVANJEM

- VALUTA I PLAĆANJA

Službena valuta je južnokorejski won (KRW). Kartice (posebno Visa i Mastercard) prihvaćene su u većini hotela, restorana, tržnih centara i većih prodavnica. Ipak, preporučuje se da uvijek imate manju količinu gotovine, posebno ako planirate posjećivati lokalne pijace, manje kafiće ili ruralna područja.

Napojnice nisu uobičajene niti očekivane u Koreji, jer je kvalitetna usluga već uključena u cijenu..

- HRANA I ZDRAVLJE

Korejska kuhinja je raznolika, ukusna i često začinjena. Kimchi (fermentisano povrće), bibimbap (riža s povrćem i jajetom), bulgogi (marinirano meso) i tteokbokki (ljuti rižini štapići) samo su neka od jela koje trebaš probati. Hrana se često servira s brojnim priložima (banchan), a restorani u Seulu nude i veliki izbor street food opcija, posebno u četvrtima poput Myeongdong ili Hongdae.

Voda iz česme je sigurna za piće, ali mnogi putnici ipak biraju flaširanu vodu. Preporučuje se nošenje lijekova za probavu, sredstava protiv komaraca (tokom ljeta), te krema sa zaštitnim faktorom, naročito u toplijim mjesecima.

- KLIMA I ODJEĆA

Koreja ima četiri izražena godišnja doba. Proljeće i jesen (april–maj, septembar–novembar) su najugodniji periodi za putovanje, sa prijatnim temperaturama i vedrim nebom. Ljeto je vruće, vlažno i često kišovito (monsunska sezona), dok su zime hladne i snježne, posebno u Seulu i sjevernim regijama. Ljeti se preporučuje lagana odjeća, šešir, sunčane naočale i kišobran, dok je zimi neophodna topla jakna, kapa i rukavice. U proljeće i jesen najbolje je nositi slojevit

garderobu.

- SIGURNOST

Južna Koreja je jedna od najsigurnijih destinacija u Aziji. Nivo kriminala je vrlo nizak, a gradovi poput Seula pružaju osjećaj sigurnosti i danju i noću. Putnici, uključujući solo putnike i porodice s djecom, osjećaju se ugodno.

Jedina uobičajena prijetnja jesu sitne krađe u turistički prometnim područjima. Preporučuje se da se torbe i ruksaci nose ispred tijela u gužvama, a dragocjenosti čuvaju u hotelskim sefovima.

- INTERNET

Koreja ima jedan od najbržih interneta na svijetu, dostupan u gotovo svim hotelima, kafićima, metrou i javnim prostorima. Za neprekidnu povezanost, preporučuje se kupovina lokalne SIM kartice ili najam pocket Wi-Fi uređaja, koji se mogu preuzeti na aerodromima.

Utičnice su 220V, tip C ili F, iste kao u većem dijelu Evrope – adapter najčešće nije potreban.

- PREVOZ

Seul ima vrlo razvijen i pouzdan sistem javnog prevoza. Metro je najbrži i najefikasniji način kretanja po gradu – stanice su označene i na engleskom jeziku. Tmoney kartica se koristi za plaćanje metroa, autobusa i čak nekih taksija – može se kupiti na aerodromima i u prodavnicama poput GS25 ili 7-Eleven.

Za putovanja između gradova koriste se brzi vozovi (KTX), koji povezuju Seul s Busanom, Gyeongjuom i drugim velikim gradovima. Autobuske linije su također pouzdane, a domaći letovi su praktični za udaljenije regije.



SUVENIRI I ZABAVA

Koreja nudi suvenire koji spajaju tradiciju i savremeni stil. Među najpopularnijima su K-beauty proizvodi (maske, kreme), tradicionalna keramika, hanji papir, kaligrafija, kao i razni K-pop suveniri – poster, albumi i figurice. Ljubitelji prirodnih proizvoda mogu ponijeti ginseng, zeleni čaj ili čajeve od jujube, dok su mini hanbok kostimi i lepeze savršeni poklon iz Koreje..

- JEZIK

Službeni jezik je korejski. Iako mlađe generacije u većim gradovima govore osnovni engleski, u ruralnim područjima to nije čest slučaj. Ljubaznost i trud da se izgovore osnovne fraze na korejskom veoma se cijene.

Evo nekoliko korisnih izraza koje putnici mogu naučiti prije putovanja:

IZRAZ / REČENICA	KOREJSKI	IZGOVOR
Zdravo	안녕하세요	Annyeong haseyo
Hvala	감사합니다	Kamsahamnida
Molim	제발	Jebal
Izvinite	죄송합니다	Joesonghamnida
Doviđenja	안녕히 가세요	Annyeonghi gaseyo
Gdje je...?	어디예요?	Eodieyeyo?
Koliko košta?	얼마예요?	Eolmayeyo?
Ukusno je!	맛있어요!	Mashisseoyo!
Idemo!	가자	Gaja

